

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Missale Ad vsum sacri Ordinis Cisterciensis, nuper a mendis quamplurimis repurgatum, ac denuo accuratius per viros probos eiusdem ordinis recognitum, [et] emendatum - Cod. Lichtenthal 134

Le Blanc, Jean

[Lichtenthal], [1560 Druck; Handschrift Anfang 17. Jh.]

Orationes post missam.

[urn:nbn:de:bsz:31-40622](https://nbn-resolving.org/urn:nbn:de:bsz:31-40622)

Orationes post missam.

84.

Oratio post cōmunionē dicēda.

Hec sunt conuiuia que tibi placuit: que nobis orphanis in memoriam tue dilectionis reliquisti. O patris sapientia natus de uirgine: qui non dedignatus es uenerabile corpus tuum tangi & sumi a me indignissimo peccatore. Quid tibi digne reddam pro omnibus que retribuisti michi: Si enim totius mundi merita in unum essent congesta: non valerent tue dignationi aliquatenus comparari. Gratias ergo ago tibi domine iesu christe fili dei uirgi: rex regum & dominus dominantium. Gratiarum actiones pro posse fragilitatis mee tue tremende maiestati ac immense pietati piissime iesu refero: quod sacro corpore tuo et sanguine animam meam nimis arida dulciter refecisti. Rogo te ut quicquid in me uiciosum tue voluntati contrarium inuenitur: communione huius sacramenti funditus euacuetur et cor meum dignum sancti spiritus habitaculum preparetur. Et o dulcissime iesu sit hoc sacramentum corporis et sanguinis tui sanitas et dulcedo anime mee: salus et sanctitas in omni tentatione: pax & gaudium in omni tribulatione: lumen et uirtus in omni uerbo et opere: solamen et tutela finalis in morte. Amen.

Ad beatissimam Mariam post communionem. **O**ratio.

OSerenissima et inclita mater domini nostri iesu christi: pia & perpetua uirgo maria, que eundem creatorem omnium creaturarum in tuo sanctissimo corpore digna fuisse concipere, eundemque spiritu sancto cooperante intacta et inuoluta permanens in salutem totius generis peperisti, cuius idem ueracissimum corpus ego indignus & miser peccator sumere presumpsi: ad ipsum queso pro me intercedere digneris: ut quicquid in eius ineffabili seruitio ignorantem, uel qualicumque modo deliqui tuis sanctissimis meritis et precibus ac omnium sanctorum michi clementer dignetur indulgere ac gratiam tribuere qua de cetero emendatius uiuere ualeam: sicque presentem uitam in sancto timore et sollicitudine peragere: quatenus post huius infelicis uite miserias, felici consummata uictoria: ad gaudia eterne felicitatis cum his pro quibus orauit: uel qualicumque modo orare teneor atque cum omni populo dei uiuis simul ac defunctis introduci merear. Prestante eodem domino nostro iesu christo filio tuo qui panis existens angelorum: per te factus est cibus uiatorum: super omnia deus benedictus in secula, Amen.